

Tuhan peringatin si Orang Bijak ni biar baliknyé diem - diem. Herodes ngamuk. Niatan ngancurin Yesus, si penguasa jahat ngebunuh semua bayi laki - laki di Bethlehem.



19

Tapi Herodes gak bisé nyakitin anak Tuhan! Diperingatin pake mimpi, Yusuf ngebawa Maria amé Yesus ke tempat aman di Mesir.



20

Pas Herodes mati Yusuf bawa Maria amé Yesus balik dari Mesir.



21

Mereka hidup di kota kecil di Nazareth, deketan amé laut Galilea.

Kelahirannyé Yesus

Sebuah cerita dari perkataannya Tuhan, Alkitab

Ditemuin di

Matius 1-2, Lukas 1-2

"Palang pintu Firman Engkau ngasih terang."
Mazmur 119:130

22

Kelahirannyé Yesus



Nyeng nulis: Edward Hughes
Nyeng bikin gambar: M. Maillot; Alastair Paterson

Nyeng terjemahin: www.christian-translation.com
Nyeng nyocokin: E. Frischbutter; Sarah S.

Cerité 36 dari 60

M1914.org

Bible for Children, PO Box 3, Winnipeg MB R3C 2G1 Canada

Perijinan: Enté boleh ngegandain atau nyetak ini cerita, selama enté kagak ngejualnya.

Tuhan tau kité udéh bikin hal-hal nyang kaga bae, nyang Dié sebut dosa. Hukumannyé dosa ya mati.

Tuhan cinté banget ama enté, Dié ngirim anak nyé, Yesus, biar mati diatas Salib amé ngebayar hukuman kité. Yesus hidup amé balik lagi kerumé ke Sorga! Sekarang Tuhan bisa ngampunin dosa-dosa kité.

Kalo enté pengen berpaling dari dosé enté, bilang ini ke Tuhan: Ya Tuhan, Ane yakin amé Yesus nyang udeh mati buat ayé dan sekarang idup lagi. Tolong dateng kedalam hidup ayé dan maapin dosa-dosa ayé, biar Ayé punya hidup nyang baru ni hari, dan bakal bersamé Enté selamanyé. Tolong ayé biar bisa idup buat Enté selayaknyé anak Enté. Amin. Yohanes 3:16

Bacain Alkitab dan ngomong ke Tuhan tiap hari!

Betawi

Dulu banget, Tuhan ngirim malaikat Gabriel kepada gadis Yahudi namenye Maria.



1

Dié dibilangin, "Enté bakal punya seorang anak laki dan kasi name dié Yesus. Dié bakal dipanggil Putra nyang Tertinggi. Dié bakal merintah selamanyé."



2

"Gimané caranyé?" gadis nyang kaget ntu bertanya. "Ayé kaga pernah amé lelaki manapun." Sang malaikat bilang ke Maria bahwa bocah tersebut datangnyé dari Tuhan. Kaga bakal punyé ayah dari seorang manusia.



3

Terus malaikat ngomong ke Maria bahwa sepupunyé Elizabeth mengandung bayi di usianyé nyang udeh bangkotan. Ini adalah mukjizat, juga. Segera setelahnyé, Maria pegi ngunjungin Elizabeth.



4

Mereka memuji Tuhan bebarengan.

Maria udeh bertunangan buat kawin amé seorang laki namenyré Yusuf. Yusuf sedih pas dié tahu bahwasannyé Maria bakal ngelahirin seorang bayi. Dié pikir lelaki lainlah bapaknyé bayi tersebut.



5

Didalem mimpi, Malaikat Tuhan ngomong ke Yusup bahwasannyé ni anak Anaknyé Tuhan. Yusup bakal nolongin Maria buat ngurusin Yesus.



6

Yusup percaya amé matuhin Tuhan. Dié juga matuhin peraturan di negaranyé. Dikarnakan peraturan nyang baru, dié amé Maria pegi ke kampungnyé, Betlehem,



7

buat ngebayar pajak mereka.

Maria udeh siap buat ngelahirin. Tapi Yusup Kaga bisé dapetin kamar dimané-mané. Semua penginapan udeh penuh.



8

Yusup akhirnyé nemuin sebuah kandang kuda. Disono, Bayi Yesus lahir. Emaknyé geletak dié didalem palungan, sebuah tempat dimané pakan ternak biasénnyé disimpen.



9

Kaga jauh dari situ, ada para gembala nyang lagi ngejaga kawanannyé. Malaikat Tuhan muncul trus ngasitahu mereka kabar baé.



10

"Disono udeh lahir buat kalian ni hari di kota Daud sang Penyelamat Dié adalah Kristus sang Allah. Enté bakal nemuin Bayi tiduran didalem palung."



11

Tetiba, seabreg cahaya malaikat laen muncul, nyembah Tuhan amé ngomong. "Puji Tuhan ditempat nyang tertinggi



12

dikedamaian bumi, kebaekan buat umat."

Para gembala buru-buru paranin ntu kandang. Abis nglihat sang Bayi, mereka ngasitau kesemua orang nyang mereka temuin tentang apé nyang udeh dikasitau malaikat tentang Yesus.



13

Empat puluh hari kemudian, Yusup amé Maria ngebawa Yesus ke Kuil di Yerusalem. Disono adé seorang pria namanyé Simon memuji Tuhan atas Bayinyé, sementara si tua Anna, pelayan Tuhan nyang lainnyé, memberikan ucapan terimé kasih.




14

Keduanyé tau kalo Yesus ntu Anak Tuhan, Sang Penyelamat nyang dijanjikan. Yusup ngorbanin dua burung. Ini udeh peraturan sebuah persembahan Tuhan nyang katé orang miskin kudu bawa pas mereka mempersembahkan bayi nyang baru brojol ke Tuhan.



15

Beberapa lamé kemudian, adé sebuah cahaya bintang nyang nuntun Pria Bijaksané dari negara Timur ke Yerusalem. "Dimana Dia bocah nyang udeh lahir Rajanyé orang Yahudi?" Mereka pada nanya "Kité pengen nyembah Dié".



16

Raja Herodes ngedenger tentang si Pria Bijak ni. Ngerasa keganggu, dié minta mereka buat ngasi tau dié kalo mereka udeh nemuin Yesus. "Ayé pengen nyembah Dié, juga," Herodes bilang. Tapi dié ngibul. Herodes pengen ngabisin nyawa Yesus.



17

Cahaya bintang nuntun si Orang Bijak ni tepat kerumé dimané Maria amé Yusup tinggal amé seorang Bocah. Berlutut sembari nyembah, si musafir ngasih Yesus hadiah nyang mahal kayak emas amé parfum.



18